

# e-Buletin

EDISI OKTOBER 2024

# JSKM

**Ts. Dr. Rozita Kadar**  
Pendidik Berwawasan,  
Pemimpin Inspirasi.

**KELUARAN KE-12**

eISSN 2637-0077



9 772637 007004



# ISI KANDUNGAN e-BULETIN

## Sidang Redaksi:

### Ketua Editor

Dr. Siti Nurleena Abu Mansor

### Editor

Ts. Jamal Othman

Pn. Siti Mariam Saad

En. Ahmad Rashidi Azudin

## Terbitan:



UNIVERSITI  
TEKNOLOGI  
MARA

Cawangan Pulau Pinang

### Unit Penerbitan e-Buletin

Jabatan Sains Komputer dan Matematik

UiTM Cawangan Pulau Pinang

13500 Permatang Pauh

Pulau Pinang

Kata Pengantar Ketua Editor 02

Kata Pengantar Koordinator 03

Pendidik Berwawasan,  
Pemimpin Inspirasi 04

Laporan Aktiviti 05

Perkongsian 31

Puisi 59

Uji Minda 64

# L'APORAN AKTIVITI



# PROGRAM KEBAJIKAN BEG KONGSI REZEKI SAHUR (BKRS) 2024M/1445H

Oleh: Siti Asmah Binti Mohamed

Alhamdulillah dengan izin Allah SWT, pada tanggal 29 Mac 2024, telah berlangsungnya Program Beg Kongsi Rezeki Sahur (BKRS) di bawah anjuran Jabatan Sains Komputer dan Matematik (JSKM), Universiti Teknologi Mara Cawangan Pulau Pinang.



Projek yang dinamakan Beg Kongsi Rezeki Sahur (BKRS) 1445H/2024M merupakan salah satu daripada program kebajikan bersempena bulan Ramadan berbentuk sumbangan barangan dengan sasaran penerimanya adalah daripada penjaga dan pesakit kanak-kanak kanser yang sedang menerima rawatan di wad C3, Hospital Pulau Pinang.

*Beg Kongsi  
Rezeki Sahur*

Sumbangan sahur iaitu “goodies beg” mengandungi barangan keperluan makanan di berikan kepada penjaga untuk bersahur ketika mereka berada di wad. Wad C3 ialah wad pesakit yang di diagnos menghidap kanser terdiri daripada bayi dan kanak-kanak yang berumur 31 hari hingga berusia 12 tahun. bu bapa atau penjaga dibenarkan menemani pesakit kanak-kanak sepanjang tempoh menjaga anak mereka di dalam wad.



Kebiasaan pesakit kanak-kanak di wad ini akan menerima rawatan dalam tempoh yang panjang dan memerlukan penjagaan rapi. Para penjaga terdiri daripada pelbagai latarbelakang dari pelbagai lapisan usia dan bangsa.

Mereka terpaksa mengorbankan masa, tenaga dan wang tatkala berusaha mendapatkan rawatan terbaik buat si anak. Terdapat diantara mereka ada yang sanggup berhenti kerja, ada diberhentikan kerja kerana kerap mengambil cuti, ada yang terpaksa merentas negeri dan lautan dari Langkawi, ada yang telah lama berkampung di wad dan macam-macam senario lagi. Berhadapan dengan pesakit kanser hakikatnya penjaga bukan sekadar bergelut dengan masalah kesihatan yang dialami si anak, namun mereka harus mengharungi kehidupan dalam kepayahan.



*Objektif utama program ini diadakan adalah bagi merai dan menyantuni penjaga kepada kanak-kanak kanser yang sedang berjuang melawan penyakit masing-masing di wad. Sebagai tanda prihatin dan sokongan buat penjaga pesakit di bulan Ramadan yang mulia ini, dengan harapan pemberian sumbangan sahur ini dapat berkongsi rezeki disamping meringankan sedikit bebanan sara hidup.*



Selain dapat menggembirakan hati penerima sumbangan, program ini dapat menyuntik semangat untuk menjalani kehidupan dengan lebih bersemangat bersama insan tersayang yang sedang menjalani rawatan. Program ini juga membuka ruang kepada para akademik khasnya warga Jabatan Sains Komputer dan Matematik (JSKM) UITM cawangan Pulau Pinang sebagai satu usaha dan tanggungjawab sosial korporat (CSR) untuk sama-sama bergerak untuk kerja kebajikan dan kemanusiaan di lapangan.

ada masa yang sama, program ini juga merupakan salah satu KPI (Key Performance Indicator) jabatan bagi memenuhi perancangan strategik JSKM 2024.

Secara keseluruhannya, program kebajikan iaitu beg kongsi rezeki sahur, (BKRS) telah memenuhi keseluruhan objektif program. Seramai 30 orang penerima sumbangan yang mengandungi satu “goodest beg” berupa barangan makanan kering “ready to eat” sebagai keperluan untuk bersahur dalam tempoh satu minggu berpuasa di wad.

Program ini diperhatikan memberi impak yang memberangsangkan terhadap semua penerima sumbangan khususnya para penjaga. Para penjaga dan pesakit amat teruja dan berbesar hati ketika diberikan sumbangan beg. Pemberian sumbangan mampu mengurangkan kos tanggungan penjaga sepanjang tempoh bersahur diwad.

Program seperti ini merupakan usaha terbaik warga JSKM dalam mendekati dan berkhidmat untuk masyarakat yang memerlukan di samping membina ukhuwah dengan pihak-pihak yang lain. Semoga budaya peduli dan prihatin dalam kalangan warga JSKM terus bercambah mekar dan memberi tauladan yang indah kepada setiap masyarakat diluar sana. Moga dengan pelaksanaan projek ini menjadi bukti keprihatinan kita kepada mereka yang kurang bernasib baik dalam menempuhi ibadah dalam bulan Ramadan disamping membawa keberkatan kepada para penyumbang, insyaAllah. Semoga segala sumbangan wang dan tenaga yang diusahakan dalam menjayakan program ini diberkati Allah.



UNIVERSITI  
TEKNOLOGI  
MARA

Cawangan Pulau Pinang

**Unit Penerbitan e-Buletin**  
**Jabatan Sains Komputer dan Matematik**  
**UiTM Cawangan Pulau Pinang**  
**13500 Permatang Pauh**  
**Pulau Pinang**

eISSN 2637-0077



9 7726 3700 7004